

## ՏԵՂԻ ՈՒՆԵՑԱՎ ԳԵՎՈՐԳՅԱՆ ՀՈԳԵՎՈՐ ՃԵՄԱՐԱՆԻ ՈՒՍՈՒՄՆԱԿԱՆ ՏԱՐՎԱ ՓԱԿՄԱՆ ՀԱՆԴԻՍՈՒԹՅՈՒՆԸ

Հունիսի 14-ին Մայր Աթոռ Սուրբ Էջմիածնում, Վեհարանի հանդիսությունների սրահում, Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսի հանդիսապետությամբ տեղի ունեցավ Գևորգյան Հոգևոր Ճեմարանի և Սևանի Վազգենյան Հոգևոր Դպրանոցի 2006-2007 թթ. ուսումնական տարվա փակման միացյալ հանդիսությունը: Ուսումնական այս տարում Գևորգյան Հոգևոր Ճեմարանն ունեցավ 31 շրջանավարտ:


Երկու Ճեմարանների միացյալ երգչախմբի կողմից շարականների և ազգային երգերի մի քանի կատարումներից հետո տեսչական ամենամյա զեկույցով հանդես եկավ Գևորգյան Հոգևոր Ճեմարանի տեսուչ Տ. Վազգեն վարդապետ Նանյանը: Հոգեշնորհ Հայր Սուրբն ուրախությամբ տեղեկացրեց, որ օրեր առաջ ՀՀ Կրթության և գիտության նախարարության կողմից Գևորգյան Հոգևոր Ճեմարանին (Աստվածաբանական Համալսարան) բարձրագույն մասնագիտական կրթական ծրագրի 0222-»Աստվածաբանություն» մասնագիտության մագիստրոսի որակավորման աստիճանով պետական հավատարմագիր է տրվել: Ճեմարանում այժմ ուսանում են 135 սաներ: 2007 թ. 54 սարկավագներ պաշտպանել են իրենց ավարտաճառերը, 71 սաներ ձեռնադրվել սարկավագ: Ուսումնական տարվա ընթացքին Ճեմարանականները պարբերաբար այցելել են տարբեր մանկատներ, հատուկ դպրոցներ, համագործակցել երիտասարդական և ուսանողական միությունների հետ, թղթակցել թերթերին, պատրաստել ռադիո և հեռուստահաղորդումներ: Հայր Սուրբը նաև իր երախտագիտությունը հայտնեց Նորին Սրբությանը՝ Ճեմարանի հանդեպ ցուցաբերվող մնայուն ուշադրության և հոգածության համար:

Անցնող ուսումնական տարում արձանագրած ձեռքբերումներին անդրադարձավ Սևանի Վազգենյան Հոգևոր Դպրանոցի տեսուչ Տ. Մկրտիչ վարդապետ Պողոսյանը: «Հոգևոր Ճեմարանը ձիթայուղ է, այն կաթսան, որտեղից մատակարարվում է Լուսավորչի կանթեղի ձիթայուղը», - նշեց Հոգեշնորհ Հայր Սուրբն իր խոսքում՝ մեծապես կարևորելով նաև Մայր Աթոռ Սուրբ Էջմիածնի առաքելությունը ազգային-եկեղեցական կյանքում: Դպրանոցը ներկայիս ունի 71 ուսանող, որոնց թվում սաներ Իրաքից, Գերմանիայից, Հոլանդիայից, Ռուսաստանից և Սիբիրիայից: Ճեմարանականների ջանքերով հրատարակվել են հինգ աստվածաբանական աշխատություններ: Սաներն իրենց ծառայությունն են բերում նաև Գեղարքունիքի թեմի եկեղեցիներում: Հաջողությամբ շարունակվում է «Կանաչ աստվածաբանություն» բնապահպանական առարկայի դասավանդումը դպրանոցում:

Հավարտ տեսչական զեկույցների տեղի ունեցավ մրցանակաբաշխություն, որի ընթացքում բարձր առաջադիմություն ցուցաբերած սաները Վեհափառ Հայրապետից ստացան նվերներ: Ապա ուսանողության անունից շնորհակալական խոսք ասաց վեցերորդ լսարանի սան Գոռ սրկ. Նազարյանը: «Ճեմարանական տարիներն



ՃԵՄԱՐԱՆԱԿԱՆՆԵՐԻՆ ԲԱՐԵՍԱՂԹԱՆՔԻ ԻՐ ԽՈՍՔՆ Է ՈՒՂՈՒՄ ՎԵՆԱՓԱՌ ՆԱՅՈՒՊԵՏԸ



ՎԵՆՈՒՄՈՒ ՆԱՅՐԱՊԵՏԸ ՃԵՄԱՐԱՆԻ ՏԵՍՉՈՒԹՅԱՆ, ՈՒՄՈՒՅՉԱԿԱՆ  
ԱՆՁՆԱԿԱԳՄԻ ԵՎ ՄԱՆԵՐԻ ՆԵՏ ՎԵՆԱՐԱՆԻ ՄՈՒՏՔԻՆ

այն թթխմորն են, որով պիտի խմորվի մեր ողջ կյանքը: ...Այսօր Ձեր առջև ենք՝ պատրաստ մեր ինքնանվիրումը բերելու Մայր Եկեղեցու գորացման, ժողովրդին ծառայելու աստվածահաճո գործին», - նշեց Գոռ սարկավազը:

«Էջ Միածինն ի Հօրե» շարականի երգեցողությանը հաջորդեց Ամենայն Հայոց Հայրապետի օրհնության խոսքը: Նորին Սրբությունն իր ուրախությունը հայտնեց ՀՀ Կրթության և գիտության նախարարության կողմից Գևորգյան Հոգևոր Ճեմարանին տրված բարձրագույն հաստատության հավատարմագրերի, ինչպես նաև երկու ճեմարաններում արձանագրված հաջողությունների համար:

*«Իրապես մենք պիտի կարողանանք մեր երագած ուսյալ, մտավորական նկարագիր և խառնվածք ունեցող եկեղեցականներով օժտել մեր Եկեղեցին, բարձրացնել պատրաստվածությունը մեր եկեղեցականների, որը նշանակում է միաժամանակ բարձրացնել և ծառայության որակը մեր Եկեղեցում և մեր ժողովրդի կյանքում»*, - ասաց Հայոց Հայրապետը՝ իր գնահատանքը հայտնելով ճեմարանների տեսչություններին, մանկավարժներին և ճեմարանականներին իրենց նվիրումի, անհոգնաբեկ աշխատանքի ու պատասխանատվության բարձր զգացումի համար:

Վեհափառը աղոթք բարձրացրեց առ Աստված, որ Տիրոջ օրհնությամբ առատանա հունձքը հոգևոր կրթական հաստատությունների՝ հունձք կրթական բարձր մակարդակով և հոգևոր պատրաստվածությամբ, որպեսզի կարելի լինի հոգևորականաց միջոցով մեր Եկեղեցու ամբողջական ծառայությունը բերել մեր ժողովրդին:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ  
ՏԵՂԵԿԱՏՎԱԿԱՆ ՀԱՄԱԿԱՐԳ